

ՄԽԻԹԱՐ ԳՈՇ, ԳԻՐՔ ԴԱՏԱՍՏԱՆԻ, աշխատասիրությամբ հոստով ԹՈՒՆՅԱՆԻ, ՀՍՍՀ ԳԱ հրատարակչություն, Երևան, 1975, էջ 119 + 642

Մատենադարանը հաճախ է մեզ ուրախացնում հայոց հինավուրց մշակութային ժառանգության գրավոր արժեքների քննական քննադատական հրատարակությամբ։ Դրանց շարքում կարելի է տեղ է գրավում Մխիթար Գոշի Դատաստանագրքի երկու խմբագրությունների հրատարակությունը՝ Մատենադարանի աշխատակից, իրավաբան Խոսրով Թորոսյանի աշխատասիրությամբ։

Մխիթար Գոշը միջնադարյան հայ մտքի հսկաներից է և նրա անունը տեղ է գտնում Մովսես Խորենացու, Անանիա Շիրակացու և Գրիգոր Նարեկացու ամունների կողքին։

Մխիթար Գոշը եղել է միջնադարյան խոշորագույն օրենսգետներից մեկը, հասարակական-քաղաքական, եկեղեցական նշանավոր գործիչ, անվանի առակագիր, մեծահամբավ մանկավարժ և դաստիարակ։ Նրա մեծությունը ճանաչել են ժամանակակիցները և արժանին հատուցել անվանելով՝ «Հուլակավոր», «խմաստուն», «աշխարհայույս», «եռամեծ վարդապետ»։

Միջնադարյան հայ հասարակական-տնտեսական կյանքը, իրավական հարաբերությունները ոչ մի գործում չեն գտել իրենց այնքան բազմակողմանի և ճշմարտացի արտահայտությունները, որքան Մխիթար Գոշի Դատաստանագրքում։ Բայց Գոշը այդ հարաբերությունների սոսկ արձանագրողը չէր։ Լինելով գոյություն ունեցող ֆեոդալական հասարակության պաղափարախոսը և տիրող կարգերի պաշտպանը, նա միաժամանակ ձգտել է, որ այդ հասարակությունը խարսխված լինի օրինական հիմունքների վրա, իր վերաբերմունքն է ցուցաբերել հասարակական կյանքի և օրինականության շատ ու շատ կողմերի նկատմամբ, անհրաժեշտ է համարել իրենց դարն սպրտած երևույթների բարեփոխությունը, ինքը փոփոխել է հնացած օրենքները՝ ժամանակի հարաբերություններին և պահանջներին համեմատ, պաշտպանել է մարդու իրավունքները։

Մխիթար Գոշը ընդառաջել է հայկական կործանված պետականության վերականգնման պատմականորեն առաջադրվող պահանջին։ Նրա Դատաստանագրքը գրավոր մեծ հուշարձան է ոչ միայն հասարակության և հասարակական մտքի զարգացման պատմության համար ունեցած ճանաչողական անգնահատելի արժանիքներով, այլև իր պարունակած պատմական մեծ խորհրդով։

Մխիթար Գոշի Դատաստանագրքը արտահայտելով դարաշրջանի ներկան, միաժամանակ ունեցել է կիրառական, գործնական նշանակություն։ Ուրեմն, հրապարակ է հանված, հիմարվի, մեծարժեք մի գործի դիտական քննադիրը։

Սակայն Մխիթար Գոշի Դատաստանագրքը նորություն չէ հայագիտության մեջ, շուտով կրողորի նրա առաջին գիտական հրատարակության հարյուր տարին։ Նոր հրատարակության Առաջարանում արժանին է հատուցվում Վահան Բաստամյանցին, որը 1880 թ. Վաղարշապատում հրատարակեց Գոշի Դատաստանագրքը։ «Իրավամբ կարելի է պնդել, — գրում է Խ. Թորոսյանը, — որ Վ. Բաստամյանցի հրատարակած Մխիթար Գոշի Դատաստանագրքը միջնադարյան հայկական որևէ քննադատական առաջին գիտական համահավաք հրատարակությունն է... Վ. Բաստամյանցի քննադատական աշխատանքում համարյա չկան թերություններ։ Հրատարակիչը քննադրել կցել է ընդարձակ ու արժեքավոր առաջաբան և իրավագիտական, պատմաբանասիրական ու քննադատական բազմաթիվ հմտալից ծանոթագրություններ... Վ. Բաստամյանցի գործը... իր արժեքը չի կորցրել նաև այսօր» (էջ ԽԸ—ԽԹ)։

Մանոթանալով նման բարձր գնահատականի, ընթերցողը, քննականաբար, պետք է խորհի՝ հարկ կա՞ր ի նոր հրատարակելու Դատաստանագրքը, թե՞ պետք էր վերահրատարակել նախկինը, կամ՝ ի՞նչ է ավելացրել նոր հրատարակիչը, ի՞նչ նորություն է բերում նոր հրատարակությունը և որո՞նք են նրա արժանիքները։ Այս և բազմաթիվ այլ հարցերի պատասխանը ընթեր-

յուզեր կզտնի Հրատարակությանը և թորոսյանի կցած ընդարձակ Առաջաբանում:

45 ձեռագրերի մանրակրկիտ և ջանադիր համեմատական ուսումնասիրությունը ապարդյուն չի անցել: Ամենակարևոր խնդիրը, որ պարզված է, դա Դատաստանագրքի տարբեր խմբագրությունների փոխհարաբերության, մասնավորապես նրանց բնութագրության, ինչպես նաև մեզ հասած խմբագրություններից հեղինակայինը որոշելու հարցն է:

Դատաստանագրքերը մեզ է հասել երեք (պայմանականորեն Ա, Բ և Գ) խմբագրությամբ: Նախորդ ուսումնասիրողները՝ Վ. Բաստամյանց, Ղ. Ալիշան, Յ. Կարստ, Վ. Հացունի և ուրիշներ առավելապես ուշագրություն են դարձրել այդ խմբագրությունների արտաքին, ձևական հատկություններին: Ա խմբագրությունը նախագրությունից հետո չի բաժանված երկու մասի, այսինքն՝ աշխարհիկ և եկեղեցական օրենքներն իրարից անջատված չեն, Բ խմբագրությունը, ընդհակառակը, որոշվում է հենց այդպիսի անջատմամբ, իսկ Գ խմբագրությանը բնագիրը զգալիորեն համառոտ է, բայց ինչպես Ա խմբագրությունը երկու մասի բաժանված չէ: Վ. Բաստամյանցը հեղինակային է համարել և հրատարակել է Բ խմբագրությունը: Խ. Թորոսյանը քննարկելով երեք խմբագրությունների միջև եղած ոչ միայն ձևական, այլև էական տարբերությունները, պարզել է, որ այդ խմբագրություններն առաջացել են ոչ թե պատահականորեն, այլ անհրաժեշտարար: Նա ապացուցել է, որ հեղինակային է եղել Ա խմբագրության բնագիրը, որն ստեղծվել է այն ժամանակ, երբ Հայաստանը գտնվում էր սելջուկյան տիրապետության ներքո, ուստի երկրում աշխարհիկ իշխանության բացակայության պայմաններում դատական իրավասության մենաշնորհը Գոշը վերագրել է հոգևոր իշխանությանը: Դատաստանագրքի բաժանումը երկու մասի տեղի է ունեցել Զաքարյանների իշխանության առաջացման պայմաններում, Վ. Հացունու կարծիքով, թևերս իրեն՝ Գոշի ձեռքով, իսկ Գ խմբագրության կրճատումը և փոփոխությունները կատարվել է գործնական, կիրառական նկատառումներով: Ըստ այդմ՝ Խ. Թորոսյանը պարզել է, որ կրճատվել են առավելապես կրոնական հավելում-փաստարկները, իսկ փոփոխությունները բխել են ժամանակի և կիրառական պահանջներից: Խ. Թորոսյանը պարզել է նաև, որ Սմբատ Սպարապետի Դատաստանագրքի հիմքում ընկած է հենց այս համառոտ խմբագրությունը: Հետևաբար, այն առաջացել է նախքան 1265 թ., երբ գրվել է Սմբատի Դատաստանագրքը:

Այսպիսով, սկզբնականը՝ հեղինակայինը Ա խմբագրությամբ բնագիրն է, որը պահպանվել է, եթե ոչ հեղինակային գրությունը, ապա նրանից ընդօրինակված երկրորդ կամ երրորդ սերնդի ձեռագրերով: 13-րդ դարի (1295 թ.) ընտիր ձեռագրի հիման վրա Վ. Բաստամյանցը հրատարակել է Բ խմբագրության բնագիրը, իսկ Ա և Գ խմբագրությունները մնում էին չհրատարակված:

Մխիթար Գոշի Դատաստանագրքի երեք խմբագրությունների առկայությունը և նրանց առաջացման հանգամանքները տարակույս չեն թողնում, որ դրանցից յուրաքանչյուրը յուրովի մեծ արժեք է ներկայացնում, ուստի որևէ խմբագրության բնագրի լավագույն գիտական հրատարակությունն իսկ ոչ միայն չի բացառում մյուս խմբագրությունների բնագրերի հրատարակությունը, այլև ընդգծում է դրա անհրաժեշտությունը: Խ. Թորոսյանը միանգամայն ճիշտ է վարվել՝ հրատարակելով ինչպես հեղինակային Ա օրինակը, նույնպես և փոքր-ինչ ավելի ուշ կրճատված Գ խմբագրության բնագրերը, որով, Վ. Բաստամյանցի հրատարակած Բ խմբագրության բնագրի հետ միասին, ամբողջաբանում է միջնադարյան հայ իրավագիտության խոշորագույն գրավոր հուշարձանի հրատարակությունը:

Խ. Թորոսյանը կազմելով Ա և Գ խմբագրությունների գիտական բնագրերը, չի բավականացել միայն դրանց տարբերությունների նշումներով: Նա կատարել է նաև մի շատ օգտակար աշխատանք՝ հատորում զետեղելով ընդարձակ ծանոթագրություններ (էջ 531—608), որոնցում համադրությամբ բերված են ոչ միայն Ա և Գ, այլև Բ խմբագրությունների միջև եղած տարբերությունները:

Հրատարակությանը կցած իր Առաջաբանում Խ. Թորոսյանը քննարկել է նաև մի շարք այլ հարցեր, որոնցից մեկն էլ վերաբերում է Դատաստանագրքի ստեղծման ժամանակին: Չամչյանը, Ալիշանը և ուրիշներ այն կարծիքն են հայտնել, որ Մխիթար Գոշը Դատաստանագրքերը գրել է 1184 թ.: Վ. Բաստամյանցը քննարկելով այդ հարցը՝ եզրակացրել է, որ Գոշը 1184 թ. սկսելով Դատաստանագրքի շարագրանքը, մինչև իր մահը (1213 թ.) անընդհատ հարստացրել է այն, բայց մի ամփոփ ամբողջության չի հասցրել:

Խ. Թորոսյանը գտնում է, որ Դատաստանագրքն իր նախագրությամբ և 251 հոդվածներով շարագրվել և ավարտվել է 1184 թ.: Հեղինակային երկրորդ օրինակը, նույն ժամկետով, Մխիթար Գոշն ուղարկել է Ամենայն Հայոց կաթողիկոս Գրիգոր Տղային՝ հավանության կամ մեծածան լուրքեր 5—8

խնդրանքով, հայտնելով, որ «...մերքս ընթերցեալ վարդապետը՝ հաճեալ ընկալան» (էջ 1է—1Ը, 1-2): Գրիգոր Տղան վախճանվել է 1193 թ., հետեաբար Դատաստանադիրը մինչ այդ արդեն պատրաստ էր:

Դատաստանագրքի ստեղծումն, իհարկե, իր պատմական նախադրյալներն ունեւր և պայմանավորված էր տվյալ դարաշրջանի հայ հասարակական-տնտեսական, բաղաբական և մշակութային կյանքի մակարդակով:

Մխիթար Գոշին ընդառաջում էր դարի պահանջին: Նա ինչը մանրամասն շարադրել է Դատաստանագրքի ստեղծման տասներկու պատճառները: Գոշը և ժամանակակիցները լավ էին գիտակցում նաև աշխարհիկ, մասնավորապես բաղաբային կյանքի զարգացման նշանակությունը և «բաղաբի օրինաց» անհրաժեշտությունը: Անտարակույս կարելի է ասել, որ առաջ բաղաբների և բաղաբային կյանքի զարգացման որոշակի մակարդակի, Մխիթար Գոշի Դատաստանագիրը չէր ստեղծվի:

Խ. Թորոսյանը իրավացիորեն նշում է, որ Մխիթար Գոշն ընդառաջում էր նաև զալիբին՝ սելջուկյան տիրապետության դեմ պայքարող հայ ժողովրդի բաղաբական իշխանության վերականգնմանը: Առաջարանի հեղինակն ընդգծում է սելջուկյան տիրապետությունից ազատագրվելու համար վրացական թագավորության և հայկական իշխանական տների ուժերի միավորման և ռազմական սերտ գինակցության խոշոր նշանակությունը, դինակցություն «որն, իրոք, մեծ հաջողություն բերեց թե՛ Հայաստանին և թե՛ Վրաստանին» (էջ Ժ):

Այստեղ հարկ է նկատել, որ Առաջարանի հեղինակը առավելապես ռազմական գինակցության տեսանկյունից է գիտել հայ-վրացական համագործակցությունը և չի անդրադարձել վերջինիս վարչա-բաղաբական բնույթին:

Խ. Թորոսյանը իրավացի է, որ XII դ. վերջերին, երբ Գոշը ստեղծում էր իր Դատաստանագիրը, հայ ժողովրդի առջև ծառացած հիմնական պատմական խնդիրը սելջուկյան լծից ազատագրվելն էր, որի համար նա պետք է համախմբեր իր ուժերը, բայց անհաշու է այն ձևակերպումը, թե դա «անսպասան ենթադրում էր նաև միջբասակարգային հակամարտությունների կթե ոչ վերացում, ապա դոնե կասեցում» (նույն տեղում): Դասակարգային հակամարտությունների վերացման մասին թեկուզ և թեականորեն խոսեն ավելորդ է, մասնավորապես որ ինքը՝ հեղինակը, քանիցս ընդգծում է դասակարգային հակամարտությունների անհաշտելիությունը, այլև Դատաստանագրքի դասակարգային և դասային բնույթն ու առանձնահատկությունները:

Առաջարանում Խ. Թորոսյանը առաջադրել և քննել է նաև Դատաստանագրքի գործադրության հարցը, դրան տալով դրական պատասխան:

Դատաստանագրքի ձեռագրերից մեկը նվիրվել է Հաթիրի (Վերին Խաչենի) իշխան Վախթանգին՝ «ի կամ իւր զդիրքս դատաստանի անսխալ ուղղութեամբ վարել զպատուիրան սորին»: Այնուհետև, անդրադառնալով Դատաստանագրքի Գ խմբագրությանը, որի վրա նախորդ ուսումնասիրողները պատշաճ ուշադրություն չեն դարձրել, Թորոսյանը ընդգծում է, որ այս բնագրի «համառոտումն իրականացվել է, առաջին հերթին, նորմատիվ նյութը կրոնական հավելումներից թթափելու հաշվին»: Բացի այդ, այն համառոտված լինելով հեղինակային օրինակ հանդիսացող Ա խմբագրությունից, ազատ է վերջինիս մեջ տեղ գտած հեղինակային միջամտություններից և հայացքային երանգավորումներից: Այդ ամենն արված է գործնական, կիրառական նպատակով, ուստի Գ խմբագրության գոյությունն իսկ ապացույց է, որ Դատաստանագիրը գործող օրենք է եղել: Բնորոշ է և այն, որ հենց Գ խմբագրությունն է գրվել Սմբատ Սպարապետի Դատաստանագրքի հիմքում, դրանով այն գործադրություն է ստացել միջնորդված ձևով: Այնուհետև, Գոշի Դատաստանագիրը ընկած է նաև լեհահայոց դատաստանագրքի հիմքում, որի գործադրության մասին տարակույս չկա:

Կիրառական նպատակներով են կատարվել լատիներեն, լեհերեն, ղփչաղերեն, վրացերեն և ռուսերեն թարգմանությունները՝ լինելի դրանք ուղղակի, թե միջնորդված: Բազմաթիվ փաստերի վերլուծությամբ Խ. Թորոսյանը եզրակացնում է, որ Մխիթար Գոշի Դատաստանագիրը «ուղղակիորեն, փոփոխված կամ միջնորդված ձևով, գործադրվել է տարբեր վայրերում»՝ դարեր շարունակ:

Դատաստանագրքի Առաջարանում Խ. Թորոսյանը, բնականաբար, անդրադարձել է XII—XIII դդ. հասարակական-տնտեսական և բաղաբական իրադրության բնութագրությանը, ինչպես և Գոշի հայացքներին: Նա ընդգծում է Դատաստանագրքի բացառիկ նշանակությունը միջնագարյան Հայաստանի հասարակական հարաբերությունների և առհասարակ ներքին կյանքի բազմազան կողմերի գիտական ուսումնասիրության համար: Մխիթար Գոշի Դատաստանագրքի բազմաթիվ արժանիքների շարքում Խ. Թորոսյանը իրավացի նշում է նրա մարդասիրական

հլահեալ, որի արտահայտություններից մեկը օրենքի առջև անձի և մարդու փոխհարաբերության հարցն է: Միջնադարյան դասակարգային, դասային հասարակության մեջ օրենքը ճանաչում էր ոչ թե մարդուն, այլ անձին՝ իր որոշակի սոցիալական պատկանելիությամբ և դիրքով: Մարդու և անձի հակադրության վերացումը օրենքի առջև խոշոր առաջընթաց քայլ էր, և և՛ Թորոսյանը ցույց է տվել, որ Գոշը առաջին օրենսդրություններից մեկն էր, որ արեց այդ քայլը: Այլ հարց է թե արդյոք կարո՞ղ էր այն կիրառվել միջին դարերում: Մխիթար Գոշի հայացքներին և նրա դարաշրջանի հասարակական հարաբերություններին, ինչպես և դրանք արտահայտող իրավական նորմերին անդրադառնալիս և՛ Թորոսյանը առաջ է քաշել շատ ուշագրավ հարցեր, արել է բաղմամբով օգտակար դիտողություններ և ներակայացրելություններ, բայց տարվելով դրանցով թույլ է տվել նաև որոշ վրիպումներ: Հարկ կա՞ր, օրինակ, ստեղծել թեև արտոնագրված ուժեղ թագավորական իշխանության Մխիթարի տեսությունը իր մեջ պարունակում էր արդեն ներքին դարացման այն հակումը, որը պետք է տաներ դեպի բացարձակ միապետություն՝ վաղափառը (էջ ԺԲ, ընդգծումը մերն է.—Բ. Ա.): Այս Թորոսյանը շտապում է ավելացնել՝ «...գիտենք նաև, որ այդ բանը Հայաստանում տեղի չունեցավ և չէր էլ կարող տեղի ունենալ այն ժամանակ» (նույն տեղում):

Մխիթար Գոշը վշտացել է ժողովուրդների անմիաբանության և հակադրությունների առկայության պատճառով: Գնդեցիկ է ասել նա. «Արդ այլ ինչ հնար բռնալու զայդ հակառակությունը ոչ տեսանմբ, բայց թէ միմեանց հաւանել և կալ յիրարանշիր կարգի ամենայն ազա» (էջ ԻԲ):

Միշտ է, Մխիթար Գոշը ձգտել է ժողովուրդների խաղաղ գոյակցության, բայց և՛ Թորոսյանը պարտավոր էր ցույց տալ, որ այդ սկզբունքը մեր օրերում այլ իմաստ և բովանդակություն է ստացել:

Անր այս մասնակի դիտողությունները վերաբերում են Դատաստանագրքին կցված Առաջարկին, որի հեղինակը բաղմամբով հարցեր է քննարկել գիտական բարձր մակարդակով և դրանց տվել է դրական լուծում:

Դրանով հանգեծ, մեր գնահատականի բուն առարկան ոչ միայն այդ Առաջարկն է, այլև Դատաստանագրքի նոր հրատարակված Ա և Գ խմբագրությունների բնագրերը, որոնք հեղինակից պահանջել են տասը տարվա տրանսլան ու մանրակրկիտ աշխատանք: Պատասխանատվության մեծ զգացումով կազմված և հրատարակված են միջնադարյան հայ մատենագրության բացառիկ արժեքավոր մի գործի երկու խմբագրությունների համեմատական բնագրերը՝ ընտիր ձեռագրերի հիման վրա: Բավական է ասել, որ Ա հեղինակային խմբագրության հիմքում դրված են Հաթերթի (Վերին հաշենի) Վախթանգ իշխանին նվիրված գրչագիրը, որը պահվում է Վենետիկի միաբանության մատենադարանում և ըստ Վ. Հացունու՝ սա Դատաստանագրքի չորրորդ օրինակն է կամ նրանից արտագրված մի գրչագիր, ինչպես նաև Գրիգոր Տղային՝ նրա հավանությունը ստանալու համար Գոշի ուղարկած գրչագրից 1240 թ. արտագրված մի օրինակ (Համառոտ վանքի ձեռագիրը)՝ համեմատված այլ ձեռագրերի, դրանց թվում և Վենետիկում պահվող 1238 թ. հնագույն ձեռագրի հետ:

Գ խմբագրության հիմքում դրված են XIV դ. 3 գրչագրեր և դրանցից ծագող, թեև ավելի ուշ արտագրված, մի ձեռագիր: Այդ երկու խմբագրությունների գիտական բնագրերը կազմված են մեծ բարեխղճությամբ, բերված են փոքրիշատե կարևորություն ներկայացնող բոլոր տարբերակները:

և՛ Թորոսյանի հետ առանձին զեպերում կարելի է վիճել, թե ինչո՞ւ այս կամ այն կարևոր թվացող տարբերությունը չի ղեկավարել բնագրում, բայց վիճարկման ենթակա չէ առավել հին և ընտիր ձեռագրերին նախապատվություն տալու նրա ընտրած սկզբունքը:

Հայագետ մասնագետներին հնարավորություն է ընձեռված իրենց հետաքրքրող ստուգումները նախարարին նշված տարբերությունների օգնությամբ: Բացի այդ, վերևում արդեն ասվեց, որ Վ. Բաստամյանցի հրատարակած Բ խմբագրության բնագրերի կարևոր տարբերությունները Ա և Գ խմբագրությունների բնագրերից և՛ Թորոսյանը մեջ է բերել իր հրատարակության ծանոթագրություններում:

Այսպիսով, Մխիթար Գոշի Դատաստանագրքի Ա և Գ խմբագրությունների լույսընծայմամբ կատարելապես ավարտվել է այդ հուշակալոր իրավագիտական հուշարձանի գիտական հրատարակությունը և հալագիտությունը անփոխարինելի այդ սկզբնաղբյուրն ունի ամբողջական ձևով:

Բ. Ն. ԱՌԱՔԵԼՅԱՆ,
ՀՍՍՀ ԳԱ ակադեմիկոս